

yodiyadaghtoeouh teyodinakaroetoeha. Esotsy wagwaghnoederatyehnte tsiniyogwanikouhrotea neoni tsinikanoshas ne oegweryane. Yoegwake-aghradaniouh ne sarighwadokeaghtiokouh. Yee-gwearouh ne yagh egh teyogewayereah tsinahotea nene egh nayoegwayereah; Neoni ne egh niyogewayereah tsinahotea nene yagh egh thayogewayereah: Neoni yagh teyogewadakarite ne oekyouhhatsherakouh. Nok iese, O Sayaner, aas-gweadeare, yagwayesaghse akearouh yagwadouhs. Sheyadanoesdat, O Niyoh, ne yoedoedereghse ne akon hightsherah. Sasheyerits nene yakonikoeraneaghse; Tsiniyouht tsisarharatstouh yoedatroy ne oegwehokoekkeh ne Jesus Christsherakouh ne Shoe-gwayaner. Neoni takyouh, O seanidearegthshe-rowanea Raniha, ne raouhha raorihoenyat, Nene oekyouhha ne keagh yaoedaghsawea tsiayakypenheke ayoegwarighwiyoestohake, ayoegwaderighwagwarisyoehake, neoni ayakyoenhiyohake, Nene oeweseaghtshera ne Saghseanadokeaghty. Amen.

¶ *Ne Tsyoedaderighwiyoesteanitha ne karighwaneraaxheraokouh ne eahearouh yadehayady ok ne Ratsihustatsy eahadahke; ne Oegwehokouh teayakontshotahke.*

Rashatsteaghseragwekouh Niyoh, ne Roniha shoegwayaner Jesus Christ, yagh thadehodoewea-tsyony ne raweaheyat ne rorighwaneraaxkouh, nok rodoedaghwany ne taoesahatkarhadeny ne raorighwaneraaxhera, neoni aroenheke; neoni shakoshatsteaghserawy neoni shakorighoedany ne Raot-sihustaokouh, ne ashakodighrory neoni ashakona-datyase ne Raoegweda, ne ayakonikoeranea neoni Aoesayakoderighwiyoestahgwea ne akorighwaneraaxhera: Easeshakorighwiyoestea agwekouh tsiniy-